



Pou Piblikasyon Imedya: 03/09/2020

GOUVÈNÈ ANDREW M. CUOMO

**GOUVÈNÈ CUOMO ANONSE EGZIJANS POU LEKÒL YO REPÒTE AK TABLODBÒ
ANLIY POU RETRASE COVID-19**

***DOH la voye lèt bay distri likòl yo kote li egzije yo rapòte chif ka pozitif yo konnen
yo chak jou apati madi 8 septanm***

Tablodbò ki disponib yo apèn pibliye a pral disponib [isit la apati mèkredi 9 septanm](#)

Gouvènè Andrew M. Cuomo te anonse jodi a ke yo pral egzije distri lekòl New York yo pou yo bay Depatman Sante (Department of Health, DOH) a done chak jou sou chif moun ki te teste pozitif pou COVID-19 yo nan chak lekòl apati madi 8 septanm. Enfòmasyon yo pral disponib piblikman nan yon nouvo tablodbò ke DOH la te devlope, ke ou kapab jwenn [isit la apati mèkredi 9 septanm](#). Komisè DOH la, Doktè Howard Zucker te voye jodi a yon lèt bay tout distri lekòl yo ki enfòmasyon yo sou egzijans pou rapòte yo ak nouvo tablodbò a.

"Anpil nan distri lekòl yo genyen pwotokòl ki pral an vigè nan kad plan yo a, jan mwen te di depi nan kòmansman an, plan sa yo ap bon sèlman si yo aplike yo", **Gouvènè Cuomo te deklare.** "Paran ak pwofesè yo gen enkyetid ke nou konprann sou re-ouvèti lekòl la. Doktè Zucker ak Depatman Sante Eta a pral etabli yon tablodbò pou pwofesè ak paran yo, dekwa pou yo konnen egzakteman ki sa ki ap pase nan lekòl yo a. Mwen espere sa pral bay pwofesè ak paran yo konfyans ke yo ap egzekite plan yo a epi si genyen yon ka pozitif, yo pral konnen epi DOH la pral konnen epi otorite lokal yo kapab reponn rapidman."

Yo pral egzije distri lekòl yo pou yo voye rapò tès yo chak jou bay Depatman Sante a. Distri a dwe bay tou yon lyen pou tablodbò chak jou a sou sitwèb yo a pou lòt pati ki entèrese yo. Yo pral aktyalize enfòmasyon chak jou.

###

Lèt nouvell disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)